

A V O N

NEWSPAPER / MAGAZINE: I-KON BERITA HARIAN
SECTION: I-DIARI - PAGE 16
DATE / MONTH: 16 APRIL 2005

avon rai hari ibu secara besar-besaran

■ Teks Fairuz Zaidan



TANGGAL 2 Mei, pasti memalit kenangan indah buat setiap insan yang bernama ibu. Saban tahun, tarikh keramat itu pasti menjadi hari paling membahagiakan untuk golongan ibu di seluruh dunia kerana jasa serta pengorbanan mereka disanjung oleh insan yang menyayangi mereka.

Menyedari hakikat itu, jenama kosmetik terkenal, Avon mengambil inisiatif untuk mengadakan satu program khas bagi mereka yang bergelar ibu.

"Avon buat julung kalinya akan meraikan sambutan Hari Ibu lebih awal tetapi secara besar-besaran pada penghujung bulan ini. Ia sebagai tanda penghargaan dan pengorbanan yang dilalui golongan ibu selama ini," kata Pengurus Perhubungan Awam Avon Malaysia, Nik Surina Suria Nik Abdullah.

Beliau berkata, sempena dengan program itu juga Avon akan menganjurkan seminar bertajuk *Ibu Ku, Idola Ku* di Hotel Mandarin Oriental Kuala Lumpur, pada 27 April ini.

Katanya, sesi seminar *Ibu Ku, Idola Ku* yang diadakan pada sebelah pagi memang unik kerana ia akan ramai tokoh dan selebriti terkenal. Antaranya personaliti TV3 - Ezzah Aziz Fawzy, Maria Tunku Sabri dan Sharifah Shawati Syed Mohamad - yang akan berkongsi pengalaman masing-masing sebagai ibu berkerjaya.

"Tidak ketinggalan pakar motivasi, Datuk Maznah Hamid akan memberikan syarahan bertajuk *Bagaimana Hendak Berjaya Dalam Hidup* serta berkongsi tips untuk mencapai kejayaan dalam

kerja," kata Nik Suria.

Pada seminar itu juga, Avon akan mengundang pakar perbidanan dan sakit puas, Dr Nor Ashikin Ahmad Mokhtar untuk menyampaikan ceramah bertemakan Kesihatan & Kesejahteraan Wanita.

Namun tentulah tidak lengkap majlis Avon tanpa Erra Fazira. Seminar Avon kali ini akan turut menampilkan pelakon dan penyanyi jelita itu yang akan berkongsi pandangan mengenai rahsia kecantikannya bersama peserta.

Kunjungan ke seminar sempena Hari Ibu ini sememangnya tidak akan merugikan peserta kerana pihak Avon juga mengadakan program mengenakan solekan dengan cara yang betul melalui Avon Color.

"Bagi sesi di sebelah petang pula, peserta seminar boleh menyaksikan persembahan *Koleksi Istimewa Horuman de Fleurs* yang berkonsepkan bunga segar," kata Nik Suria.

Kemuncak seminar, Avon akan menyanjung kasih lima tokoh wanita dengan gelaran *Ibu Idola*, *Ibu Kerjaya*, *Ibu Komuniti*, *Ibu Karyawan* dan *Ibu Anggun*. Selain itu, peserta juga akan diserikan dengan satu persembahan fesyen daripada *Koleksi Kerongsang Seri Warisan Avon*.

Bayaran RM200 seorang dikenakan bagi menghadiri seminar ini. Di samping itu, peserta akan mendapat pelbagai hadiah percuma dan sajian jamuan yang enak. Informasi lanjut, sila hubungi 03-7965 7100 atau faks 03-7965 7111 atau e-mel di hotmail.my@avon.com.



DATUK MAZNAH



DR NOR ASHIKIN